

## Veer bouwe e feeske

1)

Bouw 'ns e feeske  
ouch al is niks te viere  
Zèt d'n zörregh opzij  
neum diech noe 'ns d'n tied  
doeg dat de nudige kiere

Laot ze toch rolle,  
't leve doort meh hiel eve.  
Want 't is zoe veurbijj.  
dus laot diech noe mer 'ns goon,  
Geneet 'ns vol vaan 't leve.

Nog e paar eurkes,  
Daan is 't weer veurbijj.  
't geit weer z'nne gaank,  
Mesjiens veur weke laank,  
Daan is de groete spiet.  
Iech zing noe voloet met,  
Jao want veur totste 't wèts  
Daan is 't al weer tied.

2)

Bouw 'ns e feeske,  
Met meziek door 't leve.  
Zing 'ns en spring 'ns,  
Doeg de han in de loch,  
Jao dao heet niemes get tege.

Nör'ges aon dingke,  
goon veer weer gans door 't daak.  
Tot iech ouch mörrege,  
Daan weer 'ns kin zègke,  
Iech höb 'm weer good geraak.

Nog e paar eurkes,  
Daan is 't weer veurbijj.  
't geit weer z'nne gaank,  
Mesjiens veur weke laank,  
Daan is de groete spiet.  
Iech zing noe voloet met,  
Jao want veur totste 't wèts  
Daan is 't al weer tied.